



28 lelaki didakwa jadi ahli kumpulan jenayah terancang 'Geng 08 GST'

Bernamea

19/07/2022 18:11 MYT



Seramai 28 lelaki dihadapkan ke Mahkamah Sesyen di sini hari ini atas pertuduhan menjadi ahli kumpulan jenayah terancang dikenali sebagai Geng 08 GST. - Foto BERNAMA

KUALA KUBU BHARU: Seramai 28 lelaki dihadapkan ke Mahkamah Sesyen di sini hari ini atas pertuduhan menjadi ahli kumpulan jenayah terancang dikenali sebagai 'Geng 08 GST.'

Mereka ialah P.Thanasegaran, 46, K.Saravanak Kumar, 36, S.Selvamogan, 44, N.Yogeswaran, 41, N.Ganesan, 43, R.Raja Kumar, 39, Aziz Latip Hasannar, 42, N.Chandran, 37, B.Vinot, 27, K.Selvam, 38, dan P.Tachana Moorthy, 36.

Turut didakwa S.Vekneswaran, 36, M.Saravanan, 40, V.Elengo Van, 36, V.Thinagaran, 28, M.Eswaran, 33, S.Navin, 29, S.Kali Muthu, 44, B.Moganraj, 30, A.Poobalan, 29, N.Vijendran, 37, K.Punitharajan, 26, R.Devandran, 35, R.Vengateswaran, 26, Tan Eng Sun, 22, P.Sathteswaran, 23, G.Gananathan, 23, dan H.Arvind, 24.



-
1. [Cukai taksiran Selangor naik 25 peratus mulai Januari 2025](#)
 2. [Assad, keluarga tiba di Moscow, diberi suaka oleh Rusia - Laporan](#)
 3. [Exco Selangor mohon maaf kejadian penyanyi dakwa dirakam penguat kuasa PBT ketika operasi](#)
 4. [Di mana Bashar al-Assad bersembunyi?](#)
 5. [Burung langgar enjin punca pesawat AirAsia berpatah balik](#)
 6. [Fergus Tierney dibuang Chonburi kerana pilih wakili Harimau Malaya?](#)
-

Tiada pengakuan direkodkan selepas pertuduhan dibacakan di hadapan Hakim Nurul Mardhiah Mohammed Redza kerana mereka ditahan mengikut Akta Kesalahan Keselamatan (Langkah-Langkah Khas) 2012 (SOSMA) yang akan dibicarakan di Mahkamah Tinggi.

Mereka didakwa melakukan perbuatan itu di Tin Mine, Kalumpang, Hulu Selangor di sini antara Januari 2019 hingga 23 Jun lepas mengikut Seksyen 130V(1) Kanun Keseksaan yang membawa hukuman maksimum penjara 20 tahun, jika sabit kesalahan.

Pendakwaan dikendalikan oleh Timbalan Pendakwa Raya Muhamad Iskandar Ahmad, Ahmad Shafiq Hasim, Khairul Azreem Mamat dan Yong Ching Hong manakala tertuduh diwakili peguam Datuk Geethan Ram Vincent, Datuk R.Thinalan, Datuk David Gurupatham, JM Mark, K.Shalvin, Mohd Hanif Hassan, P.S. Doal dan Mujahidah Almukimah Fakhfurazi.



Seramai 28 lelaki dihadapkan ke Mahkamah Sesyen di sini hari ini atas pertuduhan menjadi ahli kumpulan jenayah terancang dikenali sebagai Geng 08 GST. - Foto BERNAMA

Pendakwaan tidak menawarkan jaminan manakala pembelaan memohon agar anak guam mereka dilepaskan dengan ikat jamin atas alasan mempunyai tanggungan terhadap keluarga selain berdepan masalah kesihatan yang memerlukan rawatan di hospital.

Mahkamah tidak membenarkan mereka diikat jamin dan menetapkan 22 Ogos untuk sebutan semula kes bagi serahan dokumen.

Kesemua tertuduh dibawa ke mahkamah pada 7.45 pagi dengan menaiki tiga trak polis manakala ahli keluarga mereka yang berada di pekarangan mahkamah seawal 7.30 pagi dikawal rapi oleh pasukan polis bagi tujuan keselamatan.

Selepas prosiding mahkamah berakhir, ada ahli keluarga dilihat menangis sambil memanggil-manggil nama tertuduh apabila mereka dibawa menaiki trak polis untuk dibawa ke Penjara Sungai Buloh.

-- BERNAMA